

tarii, ut respondit, sac. cong. Rit., *contra præpositum Ecclesiæ Insulanæ* 21 Martii 1699, apud Monacell., tom. IV Supplement. ad tom. II, num. 18.

(43. Thurificatio cum triplici ductu nec debetur vicario apostolico. Sac. cong. Episcop., in *Melphien.* 28 Augusti 1689, apud eundem, n. 19.

(44. Neque primæ dignitati ecclesiæ collegiæ Sanctæ Mariæ in Cosmedin urbis. *Congregatio deputata trium cardinalium* die 4 Septemb. 1705, in respons. ad dub. 31, apud eundem Monacell., l. c., n. 20.

(45. Thus et pax domino loci debet dari juxta formam libri Cæremonialis. Sac. cong. Rit., in *Strongolen.* 4 Mart. 1606, apud Sellium, in *Selectis canonicis*, cap. 17, n. 29, et Barb., *loc. cit.*, verb. *Pax*, n. 6.

(46. Mulieribus non datur thus et pax inter missarum solemnias. Sac. cong. Rit., in *Pacen.* 28 Januar. 1612, et in *Lucerina* 3 Junii 1617. Et an aliquando debeat dari, remittitur arbitrio episcopi. Eadem sac. cong., in d. *Pacen.* 28 Januarii 1612, apud Sell., l. c., n. 11, c. 51, num. 17; Barbos., l. c., verb. *Mulier*, num. 5, et verb. *Pax*, num. 8. Non debere autem dari, nisi reginis et magnis principissis, non obstante consuetudine contraria, decrevit eadem cong., in *Larinen.* 6 Decemb. 1702, apud Monacell., suppl. ad tom. III, num. 4.

(47. Canonici et beneficiati, ac magistratus in Vesperis, quando assistunt beneficiati cum pluvialibus, thurificandi sunt per aliquem ex dictis beneficiatis assistentibus pluviali indutis. Sac. cong. Rit., in *Turritana* 5 Jul. 1671, apud Pitton., *Constitution. ad canonicos*, num. 514.

(48. Canonicus locum tenens episcopi debet in choro sedere in loco suæ receptionis in habitu canonicali, nec ei competit pacis et thuris honor ante dignitates, et non lucratur distributiones, nisi sedeat in suo stallo cum habitu canonicali. Sac. cong. Rit., in *Hidrantina* 10 Nov. 1612, apud Pitton., l. c., n. 264, et Barbosam, tractat. *De canonicis*, c. 33, num. 40.

(49. Prior collegiæ, si in cathedrali præsens fuerit, simul cum illius dignitatibus et canonicis duplici ductu thurificandus est, quamvis nullam habeat præcedentiam supra canonicos cathedralis. Sac. congregat. Rit., in *Tuscanensi* 19 August. 1619, apud Pitton., l. c., n. 356, et Barbosam, tract. *De canonicis*, c. 11, num. 3 et 9.

(50. Tam dignitates quam canonici a latere digniori chori sedentes prius thurificandi sunt, quam dignitates et canonici qui sedent a latere chori minus digno. Sac. Rit. cong., in *Benevent.* 5 Dec. 1648.

(51. In feria vi Parasceves thurificanda sunt oblata; sed post thurificationem oblatorum non est iterum thurificandum SS. sacramentum, ob cujus tamen præsentiam non est omittenda thurificatio crucis; sed crux et altare thurificanda sunt eo prorsus modo, quo fit in aliis missis, non omissis debitis genuflexionibus transeundo ante

SS. sacramentum. Sac. Rit. cong., in *Pa-normit.* 5 Jul. 1638.

(52. Reliquia SS. crucis non est incensanda a celebrante genuflexo: sac. Rit. cong., in *Brixien.* 15 Septemb. 1636, ubi etiam statuit quod non est genuflectendum a capitulo et clero processionaliter transeuntibus ante altare, in quo recondita est ipsa reliquia SS. crucis; et quod post expositionem dictæ reliquiæ SS. crucis, vel post ejus delationem in processione, benedicendus est populus cum ipsa.

(53. Thurificatio non debetur laicis a diacono parato vel beneficiato, sed a solo clerico cotta induto; ut sæpe resolvit sac. cong. Rit. et signanter in *Pacen.* 21 Mart. 1699, et in *Calagurit.* 5 Jul. 1614, teste Pignatelli, tom. I, consult. 7, num. 30, et Ursaya, tom. II, disceptat. 7, num. 12.

(54. Diaconus ministrans thus canonico celebranti, ut benedicat, debet dicere *Benedicite, Pater reverende*, et non *Pater reverendissime*. Sac. cong. Rit. 4 Apr. 1699. Si autem celebrans sit episcopus, debet dicere *Pater reverendissime*, ex *Cærem. episcop.* lib. I, cap. 23. Et nonnulla Cæremonialia regularium relata a Francisco Maggio in lib. *De offic. chori* opusc. 4, disquisit. 23, præscribunt etiam abbatibus, generalibus seu præpositis pariter generalibus, in tali circumstantia debere dici a diacono *Benedicite, Pater reverendissime*. Sic eruditissimus P. Merati, tom. I, part. II, tit. 4, num. 19. Si vero celebrans sit cardinalis, dicit *Benedicite, Pater eminentissime*, ut tradit dict. Merati, *loc. cit.*, tit. 14, n. 26. Sicut celebrante Summo Pontifice, *Pater beatissime*.

(55. Facta de more a celebrante incensatione altaris, diaconus incensat ipsum celebrantem triplici ductu. Si autem in presbyterio adsit episcopus diocesanus, diaconus ipsum incensabit triplici ductu, et celebrantem duplici; et si adsit legatus, vel alii cardinales, ipsi triplici ductu, et episcopus, ac celebrans duplici thurificantur. *Cærem. episcop.* lib. I, cap. 23; *Cærem. ordinis Minor.*, part. III, cap. 2; Bongiovanni in *Silva sacrar. cæremoniar.*, lib. III, cap. 11, et lib. IX, cap. 2; Merati, tom. I, part. II, tit. 7, num. 73, post Gavant., *ibid.*, litt. C, et alii passim. Et si adsint episcopi exteri vel alii prælati, honoris gratia thurificantur immediate post celebrantem triplici ductu, sicuti et triplici ductu incensatur ipse celebrans. *Cærem. ord. Min.*, l. c.; Merati, *loc. cit.*, et alii: quod tamen intelligendum est in absentia supradictorum digniorum.

(56. Cum diaconus accesserit ad incensandum chorum, si ibi existat aliquis ex prædictis, incensabit modo dict. num. antec. Et si nullus dignior ibi existat, et adsit P. generalis, thurificabit eum triplici ductu. At sic etiam si absente generali, adsit provincialis, et ita absentibus generali et provinciali prælatus localis, qui, sive alius prælatus, præsentem præsule majori, duplici tantum ductu thurificabitur. *Cærem. ord. Minor.*, part. III, c. 2; Bongiovanni, lib. III, cap. 11, et alii. Incensato prælato, diaconus incen-

sabit cantores paratos duplici ductu, deinde incensabit Patres singillatim in prima et secunda parte chori duplici ductu, sicuti ex supra allatis decretis singillatim sunt duplici ductu incensandi omnes canonici; alios autem fratres unico tantum ductu incensabit; et omnes in choro incensandi, stantes extra stallum se mutuo invitare debent modesta capitis inclinatione ad thurificationem prius recipiendam, ita ut quilibet alium sibi immediate subsequentem sic reverenter præmoneat. *Cærem. episcop.* lib. I, c. 23; Gavant., tom. I, part. II, tit. 7, rub. 10, litt. C; Merati, *ibid.*, n. 71; Bissus, litt. L, n. 18, § 3; Bauldry, part. III, cap. 11, n. 18; *Cærem. ord. Minor.* part. III, cap. 2, part. IV, c. 6 et 7; Bongiovanni, lib. III, c. 11, et lib. IX, c. 2, et alii.

(57. Diaconus procedens ad incensandum chorum debet incedere manibus junctis, et capite detecto ex parte epistolæ. *Cærem. ord. Minor.*, part. I, cap. 4, part. II, cap. 9, et parte V, cap. 2; Bongiovanni, lib. III, cap. 11; et alii. Ac debet incensationem absolvere antequam præfatio incipiatur, quia celebranti debet assistere vel stare retro post eum. *Cærem. ordin. Minor.* part. II, c. 9, n. 7, et part. III, cap. 2, num. 16; Bongiovanni, lib. III, cap. 11, et alii, ac *Rubrica Missalis* 7, n. 11, ubi expresse habetur: «Cum dicitur præfatio, diaconus et subdiaconus stant retro celebrantem, et paulo ante priusquam dicatur *Sanctus*, accedunt ad altare, » etc. Et in eadem rubrica 7, num. 10, statuitur sic: «Cum redditur thuribulum diacono, dicit: *Accendat in nobis*, etc., et incensatur ab eo; deinde diaconus incensat chorum. » Unde stat clarum, quod incensatio chori facienda est immediate post incensationem altaris et celebrantis, antequam incipiatur præfatio, et non tempore quo canitur ipsa præfatio; et si tanta sit multitudo clericorum et religiosorum, ut incensatio finiri non possit, antequam præfatio incipiatur, tunc sufficit incensare separatim prælatum, et omnes paratos, ac illos, qui sunt in sedibus superioribus: reliqui autem inferiores brevitatis gratia poterunt incensari sine mora, ita ut incensatio finita sit, antequam incipiatur præfatio, ut salvetur dispositio Rubricarum, ut docet Bongiovanni, l. c., ex *Cærem. ord. Minor.*, *loc. cit.*, et alii, et non paulo ante priusquam dicatur *Sanctus*, ut tradunt Corsetius tract. 1, can. 11, n. 22; Merati, *loc. cit.*, num. 71; Bissus, *loc. cit.*, § 7; Baldus, *loc. cit.*, n. 18.

(58. Si altare, in quo canitur missa, longius distet a choro, thuriferarius pro diacono ad ipsum incensandum se conferet. Nisi in choro superior aliquis præcipuus adesset, aut magnus præsul; quia tunc convenientius id præstare debet cæremoniarum comitatus a thuriferario. *Cærem. ord. Min.*, part. II, c. 9, n. 4; Bongiovanni, l. c.; Alcozer, et Bauldry, part. I, c. 9, art. 1 et alii.

(59. Imperator et reges ante episcopum triplici ductu thurificantur. *Cærem. episcop.*, lib. I, c. 23; Bongiovanni, lib. IX, c. 2,

et alii passim. Princeps magnus non recognoscens superiorem, proreges et gubernatores regnorum et provinciarum thurificantur a primo assistente immediate post episcopum triplici ductu. *Cærem. episcop.*, *loc. cit.*; Bongiovanni, *loc. cit.*; Merati, *loc. cit.*, n. 73; Flumara, part. II, cap. 3, et alii.

(60. Domini locorum minorum et magistratus incensari poterunt a thuriferario duplici, vel unico ductu pro qualitate personarum; illi videlicet, quibus proprium scamnum, seu sedes ab aliis distincta parari solet, distincte incensandi sunt juxta laudabilem consuetudinem in toto incensationis ordine et ritu ad pacem tam laicorum quam clericorum conservandam. *Cærem. episcop.*, lib. I, c. 23; *Cærem. ord. Minor.*, part. II, c. 9, et part. III, c. 2; Bongiovanni, lib. III, cap. 11; Castald., in *Epitome*, part. II, tract. 1, tit. 7; Pollac., *Aphorism.*, part. II, cer. 3, pag. 128; Gavant., *loc. cit.*, litt. C, et alii passim.

(61. Et quod in similibus incensationibus servanda sit laudabilis et legitima consuetudo, pluries decrevit sac. Rit. congregat., ut refert Capon., discept. 329, n. 17, et signanter in *Casertana* 18 Septembris 1682, quam referunt etiam et sequuntur Barbosa, in *Summa apostolicar. decision.*, collect. 703, n. 8, et *De canonicis*, cap. 34, n. 31, vers. *Supradicta*; Panimol., decis. 1, adnotat. 13, n. 29, et Pignatelli, tom. IV, consult. 4, n. 4, ubi sequentem adducit congruam rationem: «quia quod non thurificetur triplici ductu, nisi episcopus et celebrans, est solum ex regulis Cæremonialis, atque adeo de puro atque mero jure ecclesiastico, ergo consuetudo thurificandi alios, etiam triplici ductu, potest illis prævalere. » Quod confirmat etiam Matthæus, in *Official. cur.*, cap. 28, verb. *Officialis quoad jus patronatus* n. 3. Et statuit ead. sacra congregatio, in *Aprutina* 6 Octobr. 1696, ad sextum dubium, ubi cum quæsitum fuisset: «An magistratui Therami debeat thurificatio duplici, vel unico ductu, et a quo sit thurificandus?» respondit: «Servetur solitum. »

(62. Omnibus de more incensatis, incensandus est a thuriferario populus ter, primo in medio, deinde versus latus Epistolæ, quod est dextrum populi, tertio versus latus aliud cum honoris significatione et debitis reverentiis ante et post. *Cærem. ord. Minor.*, part. II, c. 9, n. 5; Bongiovanni, lib. III, cap. 11; Gavant., *loc. cit.*, litt. D, et alii passim juxta *Missalis rubricam*, tit. 7, n. 10.

(63. Quando chorum incensat thuriferarius, potest illum incensare, vel in comuni transeundo ante sedilia, vel sigillatim Patres, et alios suo ordine facie ad faciem, juxta laudabilem ejusque provincie consuetudinem. *Cærem. ord. Minor.*, part. III, cap. 2, n. 2; Bongiovanni, lib. IX, cap. 2, et alii.

(64. Si in presbyterio vel in choro, ubi benedicendum est incensum, adsit episcopus diocesanus, vel aliquis eo major; tunc spectat ad ipsum incensum imponere et benedicere, ministrante thuribulum primo



ex assistentibus cum debitis osculis, et dicente *Benedicite, Pater reverendissime*; et si erit cardinalis, *Pater eminentissime*; et thurificatur triplici ductu, celebrans vero duplici. *Cæremon. episcoporum*, lib. I, cap. 23; *Cæremon. ordin. Minor.*, part. III, cap. 2, n. 5, et part. IV, cap. 7, n. 11; Bongiovanni, lib. III, cap. 11, et lib. IX, cap. 2; Gavanti, et Merati, tom. II, sect. 10, cap. 3, n. 15, et alii passim. Si autem ad Vesperas est præsens generalis aut provincialis in sua provincia seu episcopus diocesanus, vel alius eo major, tunc expedit quod celebrans incensetur apud altare, sicut in missa, triplici ductu in cornu Epistolæ, et inde revertatur ad chorum, ubi fiet incensatio de more secundum dignitatem et ordinem omnium ibi existentium. *Cæremon. ord. Minor.*, part. III, cap. 3, n. 6, et part. IV, cap. 7, n. 11; Bongiovanni, lib. IX, cap. 2, et alii.

(65. Quando ad Vesperas præter altare majus aliud altare, seu alia altaria incensanda sunt, tunc, facta incensatione altaris majoris, vel illius, ubi SS. sacramentum asservatur (quod prius est incensandum, quam altare, ad quod Vesperæ fiunt, ut docent Gavanti, tom. II, sect. 10, cap. 3, n. 18, et Merati, *ibid.*, n. 15, ac alii), incensatur alia altaria; et peracta incensatione altarium omnium, quæ incensanda sunt, revertuntur omnes parati ad chorum, et fit ibi de more incensatio secundum modum et ordinem prædictum; pergendo autem de choro ad altaria, et redeundo de altaribus ad chorum, celebrans cum ministris incedere debet detecto capite ob reverentiam cantici evangelici *Magnificat*. *Cæremon. ord. Minor.*, part. III, c. 3, n. 5; Bongiovanni, lib. IX, cap. 3; Bauldry, part. II, cap. 11; Merati, *loc. cit.*, n. 12; Castaldus, in *Cæremon. clerice. regularium*, lib. II, cap. 20; Flumara, in eod. *Cæremon.*, part. II, cap. 4, et alii plures.

(66. Incensatio, quæ omnibus dari debet, quia Christus communicat omnibus odorem suum (S. Thomas, part. III, q. 83, art. 5), et quia quæ facit sacerdos, pertinent ad omnes (Durand., cap. 31), item quia thurificatio representat diffusionem gratiarum spiritualium in capite et ab eo ad membra (idem I. IV, c. 5; Gavanti, tom. I, part. II, tit. 7, litt. C), cessare debet ad Vesperas antequam celebrans dicat vers. *Dominus vobiscum*, ex *Cæremonial. episcoporum*, lib. II, cap. 3, et *Cæremonial. ordin. Minor.*, part. III, cap. 2; Gavanti, tom. II, sect. 10, cap. 3, n. 20. Unde qui in choro sunt cantores, vel musici, majori pausa ac graviore modulatione canticum *Magnificat* præcinere debent, et organista sonum solemnius in longum protrahere, ut ante vers. *Dominus vobiscum*, et orationem, incensatio compleatur. Merati, tom. II, sect. 10, cap. 3, n. 16; Bongiovanni, *loc. cit.*, et alii passim.

(67. Quando duo sunt thuriferarii, quisque a parte sua incensat unum ex assistentibus, et postea cantores per ordinem duplici ductu; sicque etiam quisque suo thuribulo in-

censat suam partem chori, vel singillatim patres, et alios suo ordine facie ad faciem cum debitis reverentiis ante et post, vel in communi transeundo ante sedilia, una simul egredientes ad planum chori, ubi cæroferarios per ordinem incensabunt; tantum ter populum, unusquisque a sua parte, incipiendo in medio: et ultimo seipsos, peractis simul ante et post incensationem reverentiis et genuflexionibus debitis. *Cæremon. ord. Minor.*, part. III, cap. 2, n. 1; Bongiovanni, lib. IX, cap. 2; Gavanti, in *Epitom.* tract. 1, part. II, tit. 7, n. 23, et tractat. 2, part. II, tit. 3, et alii.

(68. Qui thurificat, semper stare debet; solus Summus Pontifex a genuflexo incensatur. *Cæremon. episcoporum*, lib. I, cap. 23; Bongiovanni, lib. IX, cap. 2, et alii passim.

(69. Hic juvat adducere responsionem S. Rit. congregat., in *Ostunen.* 24 Novembris 1703, ad sequentia dubia:

« I. An duci Ostuni liceat retinere sedem cameralem coopertam serico villosa rubeo, cum genuflexorio, tam in cathedrali quam in aliis ecclesiis sæcularibus et regularibus civitatibus extra presbyterium, sive absente, sive præsentem episcopo? Et quatenus *affirmative*. Nihil de sede fixa et dentur decreta.

« II. An idem liceat etiam ejus fratribus. *Negative*.

« III. An dicto duci debeat thurificatio triplici ductu per aliquem magistrum cæremoniarum, sive alium presbyterum cotta indutum? » Duplici ductu per alium capellanum, sive acolythum.

« IV. An eadem debeat etiam ejusdem fratribus? *Negative*.

« V. An dicto duci debeat pax cum instrumento per aliquem magistrum cæremoniarum, sive alium presbyterum cotta indutum? *Affirmative*.

« VI. An eadem debeat etiam fratribus? *Affirmative*.

« VII. An dicto duci accedenti ad ecclesiam cathedralem, debeat obviam ire procurator capituli, sive alius canonicus ejusdem nomine in habitu canonicali, eidemque in janua ecclesiæ porrigere aspersorium aquæ benedictæ.

« VIII. An idem debeat etiam fratribus. » Ad VII et VIII *negative* prout jacent?

Reproposita vero causa die 12 Julii 1704, per card. Coloredum sub sequentibus duobus dubiis:

« An fratribus ducis Ostuni instantibus liceat retinere sedem cameralem non fixam cum genuflexorio inferioris ornatus, ac est illa, quæ juxta antiqua decreta conceditur dicto duci, tam in cathedrali, quam in aliis ecclesiis sæcularibus et regularibus ejusdem civitatis, extra tamen presbyterium, sive præsentem, sive absente episcopo? Et quatenus *affirmative*.

« II. An dictis fratribus ducis Ostuni debeat thurificatio unico ductu per capellanum, sive acolythum cotta indutum? »

Sac. congregatio tam in voce quam in scriptis, partibus informantibus auditis; ad utrumque: *Nihil* respondendum censuit

Iterum, et tertio reposita eadem causa die 4 Aprilis 1705, ad instantiam episcopi prætendentis denegare dictum genuflexorium, responsum fuit: « In decisio: » vide licet: « Nihil de sede fixa, et dentur decreta; » quibus alias declaratum fuit, domino loci permitti posse sedem cum genuflexorio et tapeto, non tamen gradatam neque fixam, sed amovibilem, et extra presbyterium. Sic refert D. Ursaya, tom. IV, part. I, discept. 4, n. 1, qui *ibid.*, n. 90, alias ejusdem sacre congregationis resolutiones adducit præcis his verbis:

« *Mileten.* 26 Aprilis 1704. Obtentio ab A. C. adversus promotorem fiscale curiæ episcopalis Mileten. per Alphonsum Toralba baronem Calimeræ, etc., monitorio super manutentione in possessione, etc., detinendi in parochiali dicti castri sedem, stratum et genuflexorium, et recipiendi aquam benedictam, etc., remissa, etc., causa, etc., ad sac. Rit. congreg. super infrascriptis dubiis.

« Primo an liceat Alphonso Toralba baroni Calimeræ retinere in ecclesia matrici seu parochiali dicti loci pro audiendis divinis, sedem fixam extra presbyterium, absente et non residente episcopo? Vel potius amovibilem cum scabello, tapeto, suppedaneis et postergalibus in casu.

« Secundo an eidem liceat retinere genuflexorium cum tapeto et pulvinaribus? et quatenus *affirmative*;

« Tertio an eadem prærogativæ, in utroque dubio recensitæ, competant etiam baronissæ ejus matri in casu, etc.

« Ad primum quoad sedem fixam, *negative*. Quoad amovibilem et cameralem tantum, *affirmative*; in reliquis vero, *negative*.

« Ad secundum, *affirmative*, juxta decreta in *Larinen.* 12 Septembr. 1699, in *Ostunen.* 24 Nov. 1703.

« Ad tertium, *negative*.

« *Toletana.* Capitulum et canonici metropolitane ecclesiæ ad evitandos abusos pompæ et fastus nobilium ad dictam ecclesiam confluentium, qui sellas, strata et pulvinaria præmittebant, decreverunt, alias nemini licere in posterum supradictis commoditatibus seu vanitatibus in d. ecclesia uti, exceptis duntaxat regalibus personis et magnatibus. Quod decretum fuit litteris S. Pii V, confirmatum anno 1571; ex quo decreto cum effectum esset, ut nobiles retraxerint se a dicta ecclesia, tandem dictum capitulum, et canonici ad revocandos nobiles decreverunt ampliare et extendere di-

ctum decretum ad omnes titulares, et magistratus, et officiales, eorumque uxores, filios et alios narratos in libello supplicii ipsius capituli; quod cum per se facere nequirent, ex quo decretum illud erat auctoritate Apostolica confirmatum, ad sacram congregationem recursum habuerunt, quæ respondit *Nihil*, die 28 Martii 1626. »

(70. In choro thurificari debent omnes singillatim. Quod si tanta sit multitudo clericorum, ut incensatio finire non possit ante finem præfationis, tunc sufficit incensare separatim illos, qui sunt in sedibus superioribus, et reliqui inferiores poterunt incensari sine mora, ita ut finita sit incensatio paulo antequam dicatur *Sanctus*. Merati, tom. I, part. II, tit. 7, num. 70 et 71; Bissus, litt. I, § 7; Bauldry, part. II, art. 7, num. 18; Corset., tract. 1, cap. 11, num. 21; Gavanti, tom. I, part. II, tit. 7, litt. C, cum aliis ibi citatis. Et ad hoc facit decretum sac. Rit. congr., in *Placentina ad tertium dubium* sub die 10 Maii 1607. Vide *Resolutiones sac. congr.*, in Append. h. tom., et verb. *ASPERSORIUM*, num. 8.

(71. Alia ad rem. Vide verb. *ECCLÉSIA*, art. 5, a n. 33, verb. *GUBERNATOR*, a num. 8 ad 16, et verb. *MAGISTRATUS*, num. 3 et 9; doctissimum P. Cajetanum Mariam Merati in tom. I, part. III, tit. 7, num. 72 et 73, ubi ait quod ex *Cæremoniali episc.*, l. I, cap. 23, num. 32, inter alia habetur: « Quod si adsit dominus loci laicus, vel alius princeps major, debeat incensari ter, sicut incensatur episcopus, celebrans, dignitates et canonici bis, » etc.

#### ADDITIONES EX ALIENA MANU.

(72. Sanctissimum sacramentum Eucharistiæ in tabernaculo altaris reconditum thurificari non debet, sed solum unicum genu tum in transitu tum in reditu flectendum est ante illud, dum thurificatur altare. (73. At vero si fuerit ibidem expositum, incensatio illius debet a celebrante fieri genuflexo utroque poplite super gradu superiori suppedanei altaris. Gavanti, in *Rubric. Missal.* part. II, tit. 8, num. 10, § *Incensat*. Et tunc non incensatur crux, quæ imo adesse haud deberet in altari. Bauldry, in *Manual. sacr. Cærem.*, part. II, tit. 8, num. 9, art. 3, num. 2, et rursus part. III, cap. 20, num. 5. (74. Et celebrans in primo gradu suppedanei stans thurificatur. *Synod. diocæs. Benev.*, part. I, tit. 29, sect. 4, § 2, num. 11.

#### TITULUS.

##### SUMMARY.

1. Titulus crucis Domini quando Romæ inventus. — 2. Titulus *Servus servorum Dei*, quo utitur Papa in bullis, a quo fuerit primo inventus. — 3. Papa quare se vocat tali titulo. — 4. Titulus *Eminentissimi* et *Vestræ Eminentie* quando coeperit dari cardinalibus, etc. — 5. Tali titulo contenti esse debent cardinales, quamvis sint magni principes. — 6. Tituli cardinales in aliis civitatibus extra Romam olim erant, qui erant tituli parochiales, et sub episcopi jurisdictione erant. — 7. Tituli cardinalitii Romæ

erunt olim parochiæ. — 8. Tituli cardinalitii Ecclesiarum Romæ a Sixto V fuerunt præscripti et numerati, et postea designati a Clemente VIII et a sac. congr. Rit. approbati, ac a Paulo V confirmati. — 9. Cardinales in suis titulis circa suos clericos ut possunt censuris. — 10. Cardinales tenentur residere in suis titulis. — 11. Titulus *Messere* anno 1564 tribui solebat nobilibus personis. — 12. Titulum honorificum sibi metipsi attribuere nimis absonum est. — 13. Titulo *de Suor*, non *de Donne* vocari debent moniales. — 14. Titulum, characterem et ordinem